

■ GLOSSA

Lieus fermes

DA SILVIO CAMENISCH

Qua a la vaira tgina dal Rain stain nus ad in lieu fitg fitg ferm, cun pretaisa da cult, di la manadra spiertala Gisula. Ina teologa libra, insaco. La sontga terra vibrescha, er cun star murairi. En questa sontga bognera da naiv perpetna è l'ambassadur da l'aua, sontg Bromeis, nudà almain duas lunghezzas e mez dal corp. Las medias han rapportà, las medias. En l'aua sontga ma fradaglia, pudain nus ans stgaurdar, gist, da dador anen, da tut temp, er l'enviern giain nus lien fin si tar l'umblitg fitg aut per ils gronds e fissgugent tranter nus. Ils pitschens tranter nus han qua er pli simpel, nagliur uschè simpel sco qua, n'er betg a chasa. Navair, in lieu ferm? Ussa tuts tuttas «Hände zum Himmel... na, Hände zur Hölle laschchain nus davent quella giada.»

Quellas «3 lotos», quella «3 lotos» chinaisas sin l'Alexanderplatz, uah!, valiteschan si il lieu sco stgars indigenas, èn experts ed estets unids. Nus essan unids. Il lieu, fitg veglia citad d'uvestg e da las Alps vegn valità si oho! cun quella. Èn anc fitg schenadas fitg serradas, insaco si qua. Vegn schon anc. L'artist rient e da Sent ha vuli uschia, lain nus turisticchers plus ed inclus grondezzas politicas er uschia. So ussa.



Nus na raivain betg si tar quella trais lotos sco en halla da raiver, Ap'n Daun, na faschain nus betg! Era sch'ellas sumeglian fitg exotas, insaco, per noss egl detg fitg patriotics, navair, nus na spaventain, verbrämen, betg quella, dunna Rickli? anc betg? Fissan'las ziccas, manegel zicklis insaco, latiers Tudestgas, vesessi or auter.

Il memorial, il memorial ideditgà al grond Generalissimus sin il pass è in lieu ferm. Jau tradesch ni il grond General ni il grond memorial ni il pass, na vi betg ristgar insatge. Che la chavallaria dal lieu stuess chavaltgar or cunter mai. Nus turists dal di, pelegrins insaco tar lieus fermes locals n'essan betg vegnids da pass lev da qua si ina tessaglia. Da pass lev giain nus tras la litteratura (jau betg, betg jau!). Uss essan nus siador, nus essan si suren, El condor pasa. Il sontg Tschess da la Borgia. Il lieu è ferm, flavel è insatge au-

ter. Il Generalissimus aveva fatg tant dal bun per nus. Betg in letg fraid avevan El e sia chavallaria laschà fraid. Cun quest memorial al grond General è il lieu valità si ad in lieu ferm, cun suspect da cult. Respect. Pscht! Tge di nossa manadra spiertala spiritua-la Gisula? Tuts l'emprim Hände zum Himmel... hands to heaven...

Ogna» da nus da Trun è sin il precint da daventar lieu fitg fitg ferm, cun pretaisa fitg giustifitgada da cult. Essan Nus da Trun aber er loschs. Nus essan loschs. Ina giada dastgain nus er esser. Loschs. L'emprima badelada cun persunas d'uffizi fiss fatga. La terra locala schon springida, schon benedida. Las medias han mussà, las medias. Nus faschain mirs, meters autezza, cun vista esclusiva e sapientiva a l'orizont.

Gist. Puspè Hände zum Himmel..., mauns cunter tschiel, u meglia parvis. Nus essan unids. Tuts convischins duain far cun!, i n'è betg in vulair, mabain in stuair. Nus na tancain betg pli in'auter onn, Super Plus 13, sper via principala e sursilvana, nus traversain il lieu d'aduraziun (Ort der Anbetung) Ogna, cun mauns cunter tschiel, hands to heaven ed avain tancà resp. essan tancads. Plain. (Acceptain e prendain tuttas valutas.)